

ները որ Հռովմայ գահերից ունեցել է, այլ նա երազում է մի այնպիսի մխիթարութեան կամ երջանկութեան մասին, որն անանցանելի է, այն է կենալ, ապրել անդ, ուր դրուեցաւ սուրբ եկեղեցու հաւատի հաստատութեան վեմը, որի դէմ չարաչար մտքառում էին մովեռանդ մահմետականութեան ներկայացուցիչ արարացիները: Աշոտ Պատրիկի նոյն այդ միտքն այդպէս հասկացել և այդպէս կրկնել է Իրիզոր Մագիստրոս, որ ս. պատկերի համար Հաւուց Թառայ արձանագրում նոյն բառերով ասում է, թէ «սառ եղաք զվեմն հաւատոյ հիման ս. եկեղեցւոյ»: Մագիստրոսի այս խօսքերից, որ վերաբերում են ս. պատկերին, ոչ ոք, յոյս ունինք, չպիտի եզրակացնէ, թէ Հաւուց Թառայ վանքը Կ. Պօլիսն է կամ Հռովմը, և հաւատացնէ ուրիշներին թէ բոլոր միւս եկեղեցիների հաստատութեան հիմքը դրուած է այն վանքում: Գրիգոր Մագիստրոս Աշոտ պատրիկի շարականից այդ խօսքերը կրկնելով, ուզեցել է միայն նոյն գաղափարն արժարծել ինչ որ իւր նախորդը՝ այն է «բոլորից վերբերողի ճառագական կերպի կենդանագիրն, յիշեցնում է մեզ մեր հաւատոյ վեմին, Յիսուս Քրիստոսին, որ եկեղեցու հաստատութեան հիմն ու խարիսխն է. այս անելով, Գրիգոր Մագիստրոս արձանագրի միջոցով հաստատում է, որ շարականի բովանդակութիւնը վերաբերում է թէ եկեղեցուն և թէ ս. պատկերին, որոնք երկուսն էլ ԺԱ. դարում Հայոց յիշողութեան համար կարելի է ասել կրկնակի վերանորոգուեցան. Դարոյնքի եկեղեցու փոխարէն հաստատուեցաւ Հաւուց Թառայ, ուխտը, որ աւելի փառաւոր էր քան առաջինը. «հաստատեցաք վերստին ս ուխտս վերջինս քան զառաջինս», ասում է Մագիստրոս, կրկնելով Աշոտի շարականից մի հատուած: Այնպէս վերահաստատելով, ս. պատկերն ևս նորոգուեցաւ ամենի յիշողութեան մէջ և նորոգեց այն ամենը, որ այնպիսի բարեպաշտական ջերմեռանդութեամբ է. դարում հանդէս բերեց Աշոտ Պատրիկ:

Կ. Կ.

ԵԿԵՂԵՑԱԿԱՆ ՔՐՈՆԻԿՈՒՆ

ԿԱԹՈՒԿ ԵԿԵՂԵՑԻ

Լևոն ԺԳ. պապը մի նոր վէպ է հրատարակել՝ Ֆրանկների մկրտութիւնը նիւթ առնելով, այս դէպքի 1400 ամեակի առթիւ, որ մօտերումս լրացաւ. Այդ վէպի մէջ պապը գովաբանում է Ֆրանսիական թաղաւորներին և փառաբանում է Ֆրանսիայում բողոքականութեան հալածուիլը, որով կաթօլիկ եկեղեցին իւր ծոցում պահեց Ֆրանսիական աղբը:

— Պետրոս Կանողիայի, որին կաթօլիկ եկեղեցին սրբոց շարքն է դասել, 300 ամեայ յորելանին Պապը մի կոնդակ է ուղղել Գերմանիոյ, Աւստրիոյ և Զուիցերիոյ եպիսկոպոսներին դպրոցական խնդրի մասին, Կոնդակը Կանողիայի յիշատակը յարգելով յայտնում է, որ նա առաջինն եղաւ, որ պաշտպանեց եկեղեցւոյ գործը, երբ Լուսերը պարզեց ապստամբութեան գրոշակը, Նիմէ եղել է մի ժամանակ, ասում է կոնդակը, երբ կաթօլիկ եկեղեցին պէտք է իւր գործի պաշտպանութեան համար զինուի դիտութեան բոլոր արգասիքներով, այդ ներկայ ժամանակս է, որովհետեւ զէպի յառաջագիժութիւն ձգտող միտքը երբեմն կրօնի թշնամիներին առիթ է տալիս հաւատոյ դէմ յարձակուելու. Այդ պատճառով պապը իւր «յարգելի եղբարց» համոզում է աշխատել, որ դպրոցներում պահպանեն հաւատոյ մաքրութիւնը, նոյնպէս յորդորում է, որ կաթօլիկ ծնողները և եկեղեցին աշխատեն, որ իւրեանց դաստիարակութեան գործում անխախտ պահպանուին. Սորա համար ձգտելու է, որ նախ կաթօլիկները իւրեանց առանձին ուսումնարանները ունենան և չբաւականան խառն դպրոցներով, և երկրորդ՝ կրօնի համար ոչ միայն առանձին դասաւանդութեան ժամեր նշանակուին, այլ և ամբողջ կրթութիւնը քրիստոնէական բարեպաշտութեան ոգւով ներշնչուած լինի. Եւ այս ոչ միայն տարրական դպրոցներում, այլ և համալսարաններում աստուածաբանութիւնը յայտնի տեղ է բռնելու. Արդէս զի այս խրատները հնարաւոր լինի կատարել, կոնդակը ստիպագին խորհուրդ է տալիս եպիսկոպոսներին համերաշխ լինել և միացած ոյժով մի նպատակի դիմել:

— Պապն ընդունելով Ֆրանսիացի բանուոր դասակարգի ներկայացուցիչներին՝ մի ճառ ասաց, որի մէջ յայտնելով իւր մշտական և առանձին համակրութիւնը զէպի աշխու Ֆրանսիան, յիշեցրեց նոցա հաւասարութեան սկզբունքները, որոնց հիման վերայ միայն կարող է լուծուիլ ընկերվարական խնդիրը. Հաստատուն մնացէք, ասաց Պապը, ձեր բարի գործերի մէջ, շարունակեցէք սիրել կը-



րօնը որ անսպառ աղբիւր է մխիթարութեան և արիւթեան կեանքի կուռի և փորձութեանց դէմ Զգուշացէք վնասակար մարդոց հետ յարարութիւն ունենալուց, որոնք կարծում են թէ ընկերվարական խնդիրը կըլուծուի սեփականութեան, ընտանիքի և ամբողջ մարդկութեան գոյութիւնը ապահովող օրէնքներով, Այդպիսի մարդիկ երկպառակութիւն կը յարուցանեն միայն և կը վատթարացնեն բանուորների վիճակը:

Արարածի անցեալ համարներից մէկում յիշատակուել էր կաթողիկէ քահանայ Սերաստեան Վնայպի մահը, աւելորդ էի լինիլ մի քանի խօսք ասել այդ նշանաւոր ջրարօժի կեանքի և բժշկութեան եղանակի մասին:

Գարիս վերջին կիսում Եւրոպայի մէջ շատ քերքը արժանացել են այն ժողովրդականութեան և հռչակին որ վայելում էր մի համեստ ծուխի քահանայ՝ Սերաստեան Վնայպը:

Բեռնիսգոֆենում տասն ու հինգ տարի շարունակ աշխարհիս ամէն կողմերից թափուում էին հազարաւոր ցաւագարներ, ամեն հասակից ու գասակարգից, այնպէս որ եկողները տեղ չգտնելով այդ փոքրիկ քաղաքում, գիշերը անց էին կացնում երկաթուղու վագոնների մէջ, Այստեղ կարելի էր տեսնել աղքատի և հասարակ գիւղացու կողքին իշխաններ և իշխանուհիներ, բարձրաստիճան հոգևորականներ ու զինուորականներ, որոնք բոլորն էլ հաւատում էին մի համեստ հոգևորականի գերբնական կարողութեան, ամբողջ Գերմանիան նորան համարում էր մի հրաշագործ մարդ, թէև ոչ մի գերբնական և հրաշալի բան չկար Վնայպի բժշկութեան մէջ, Բժշկում էր սառը ջրով, միայն աշխատում էր այդ հասարակ և պարզ բժշկական եղանակին մի առանձին խորհուրդ տալ, Օգի յաճախ փոփոխութիւն, իսկոյն շրջել ցողազարդ մարգագետինների մէջ, սարերի վերայ, լողանալ սառը ջրում, ահա այն միջոցները, որով շատերը առողջանում էին:

Բայց մի բան որ նորա բնատուր և անկապտելի ձիրքն էր, այդ նորա հաւատն էր և հաստատուն համոզումը, նա այդ հաւատը ներշնչում էր և իրեն զիմող ամեն մի հիւանդին, Այդ համոզումը, հաւատը նա ձեռք էր բերել անձնական փորձով, երբ երիտասարդական հասակում իւր թորախտը բժշկել էր հէնց միևնոյն եղանակով, յետագայ փորձերը միայն աւելի խորը նստեցրին նորա մէջ իւր հաւատը:

Սերաստեան Վնայպը ծնուել է 1821-ին Բաւարիայում: Մտաղ հասակից սաստիկ հակումն էր ցոյց տալիս հոգևոր կոչման. բայց հայրը օտայնանակ էր և որդուն էլ նոյն արհեստը սովորեցնելով, ստիպեց իւր հետ աշխատել, Բայց մի քահանայ նկատելով մանկան ձգտումները, նախ զիմնազիննի:

ապա համալսարանական կրթութեան տուեց և ստուածարան Վնայպը 1852-ին արդէն քահանայ ձեռնադրուեցաւ. 1855-ին նշանակուեց Աւոխագոֆում ծխատէր քահանայ և մինչև մահը շարունակ մնաց այդ փոքրիկ քաղաքում և տարե ցտարի նորա համբաւը աւելի և աւելի տարածուեցաւ. Գերմանին կողմերը:

Ինչպէս պատուական քահանայ, նա իւր օրուայ մեծ մասը նուիրել էր իւր հօտի հոգևոր կարիքներին, միւս կողմից անխոնջ աշխատում էր հիւանդներ բժշկելով, նորա հռչակը շուտով տարածուեցաւ, և մեծ քանակութեամբ հիւանդներ աշխարհի ամեն կողմերից սկսեցին դիմել Աւոխագոֆ:

Վնայպին զիմողների որքանութեան մասին գաղափար տալու համար բաւական է մէջ բերել մարտից մինչև օգոստոս բժշկուողների թիւը, որ հասնում է 19,718 հոգու:

Բայց Վնայպի անխոնջ աշխատանքը միայն այդ չէր, նա միևնոյն ժամանակ գրում էր և զրեց շատ բան, նորա շարագրութեանց մէջ նշանաւոր է նորա „Meme Wassercur“ խորագրով գիրքը, որի մէջ բացատրուած են իւր բժշկութեան եղանակը և հիմքերը: Յիշեալ գիրքը 60 անգամ տպագրուել է, պէտք է այն ևս ասել, որ Վնայպի շարագրութիւնները Գերմանիայում խիստ շատ ընթերցողներ ունին, Իսկ Վնայպի բժշկութեան, անձի և շարագրութեանց համար թեր և դէմ գրուածքները մի պատկառելի գրականութիւն են կազմում: Ոմանք Վնայպին համարում են ագահ կաթողիկէ եկեղեցական, որ անձնական շահի համար աչքակապութեան ու խարեբայութեան միջոցներին է դիմել, այլք պաշտպանում են նորան, և համարում են գերբնական զօրութեան տէր մի անձն, Երևի մի քանի դարերից յետոյ «հաւատոյ գատախաղները» կամ «դևի փաստարանները» կորոշեն, այն էլ ոսկու ուժով, որ նա սուրբ է եղել, և նորա բժշկութիւնները հրաշագործութեանց կարգը կանցնեն:

ՌՈՒՍՍՑ ԵԿԵՂԵՑԻ:

Ի նպատակ Ռուսաց եկեղեցական—ծխական դպրոցների Բարձրագոյն որոշուած 3/4 միլիոն ուրուլուն նոր 1/4 միլիոն է յատկացրած պետական գանձարանից, Բացի սորանից այդ դպրոցներին արքունի հողերից բաժիններ կը հանուին և ձրիարար փայտ կը մատակարարուի արքունի անտառներից, որպէս զի կարելի լինի գործնական գիւղատնտեսական դասեր աւանդել ծխական դպրոցների մէջ:

— Գրիտոնէութիւն տարածող Ռուսաց քարոզիչներին արգելք է լինում այն հանգամանքը, որ շատ անգամ հիթանոսները քաղաքազլխի և շինական տանուտէրների պաշտօններ են ստանում և իւրեանց ազգեցութեամբ զիմագրում են քարոզիչների գործունէութեանը, նոյնը նկատուում է նաև

աղանդաւորների համայնքների մէջ, Սորա հալածում են քրիստոնեայ դարձածներին և այդ հալածանքները անպատիժ են մնում որովհետև ինքեանք Ռուսները միանգամայն անտարբեր դիրք բռնելով այսպիսի խնդիրներում կատարեալ ազատութիւն են տալիս հակառակորդներին իւրեանց նպատակներին հասնելու համար:

— Նկատուած երեւոյթ է, որ աղանդաւորները ճիշտ մոլեռանդութեամբ պաշտպանում են իւրեանց աղանդը և թշնամաբար են վերաբերում առ օրթողոքս եկեղեցիին Աւերջին աշխարհագրի ժամանակ մի աղանդաւոր ընտանիք իւրեանց դաւանութիւնը այսպէս է արձանագրել տուել՝ «Ճշմարիտ օրթողոքս քրիստոնեայ, որ չի պատկանում մեծ Ռուսաց եկեղեցուն, քահանայութիւն ընդունողներից չէ»: Շատ բնական է այս քանի որ աղանդաւորները ոչ դպրոցում և ոչ էլ այլուր քրիստոնէական ճշմարիտ վարդապետութեան մասին ոչինչ չեն լսել և մնում են տղիտութեան խաւարի մէջ: Աղանդաւորների դէմ պատերազմելու միակ միջոցը դպրոցն է, որի համար Ռուսաց հոգեորականութիւնը խոշոր գումարներ է ստանում այժմ պետական գանձարանից:

— Յուլիսի 26-ին Գերմանացւոց կայսր Ալլէքէմ Բ. և կայսրուհի Ազոուստան եկան Ռուսաստան Թագաւոր Այսյեր և Այսրուհւոյն փոխայցելութիւն: 26-ից մինչև 30-ը Օդոստափառ Հիւրերը ամենասրտագին հիւրասիրութեամբ սիրաշահուցան, որով երկու Մեծ դրացի Պետութեանց մէջ հաստատուեցաւ և ամրապնդուեցաւ այն սիրոյ կապը, որ ի վաղուց հետէ եղել է երկու Արքայական Ցան և Նոցա հպատակների մէջ: Ամբողջ Ռուսաստանը և քաղաքակիրթ աշխարհը ջերմ սիրով ողջունում է այն համակրանաց և փոխադարձ սիրոյ արտայատութիւնները, որ տեղի ունեցան երկու Մեծ Այսյերաց կողմից: Արեւի է հաւաստի լինել, որ այսպիսի մտերմական յարաբերութեանց արդիւնքը Եւրոպայի ընդհանուր խաղաղութեան ապահովութիւնը կը լինի, որ ամեն մի ազգի և անհատի համար ներկայումս միակ իղձն ու փափազն է: Ի նշան մեծ յարգանաց Թագաւոր Այսյրը Ռուսաց նաւատորմի ծովապետի կոչումն շնորհեց Գերմանական կայսրին: Հանդիսաւոր ճաշկերպութի ժամանակ երկու Այսյերաց փոխադարձ կենաց բաժաները խաղաղութեան պահպանութեանն էին նուիրուած, ուստի և կարելի է սպասել, որ երկու ազգաց յառաջագիմութեան գործը իւր կանոնաւոր ընթացքով առաջ կը գնայ, ապահով լինելով, որ խաղաղութեանն ոչ մի կողմից խանգարող հանգամանք չի սպառնալ:

ԱՆԳՂԻԿԱՆ ԵԿԵՂԵՑԻ:

— Լոնդոնում Բէնտներերի արքեպիսկոպոս/ Լամբետեան կոչուած պալատում, նոր տումարով

յուլիսի 1-ին բացուեցան Լամբետեան եկեղեցական համաժողովի նիստերը: Ինչպէս յայտնի է Աւարատի ընթերցողներին այդ համաժողովին մասնակցում են անգլիկան եկեղեցւոյ բոլոր եպիսկոպոսները: Համաժողովը գումարուում է 10 տարին մի անգամ, իսկ այս տարուայ ժողովը մի տարի սովորականից առաջ գումարուեցաւ ի պատիւ Անգլիացւոց Արիտորիա Թագուհւոյ (6) ամեայ յօրելեանի: Համաժողովին այս տարի մասնակցում են աւելի քան 200 եպիսկոպոսներ, որոնք ժողովել են աշխարհիս ամեն կողմերից: Համաժողովի բացման նախընթաց օրը վեստմինստրի վանքում հանդիսաւոր պատարագ մատուցուեցաւ, որի ժամանակ Եօրքի արքեպիսկոպոս Մակլազանը մի հրաշալի քարոզ խօսեց: Իւր քարոզի մէջ նա ասաց թէ ներկայ ժամանակս կանոնաւոր յառաջագիմութեան համար պէտք ունի ս. Հոգւոյ ղեկավարութեան, որ ամեն ինչ սրբազործում է և դէպի բարին է ուղղում: Միայն ս. Հոգին կարող է մեզ միութեան հասցնել, որ ճշմարիտ քրիստոնէից համար մի ցանկալի և ակնունելի անհրաժեշտութիւն է:

— Բրիտանական Աստուածաշնչի ընկերութիւնը 1804 թուից 151 միլիոն օրինակ Աստուածաշունչ և Աւետարան է տարածել: Աւերջին ժամանակ նոր Ատակարանը թարգմանել է 25ինաց բարբառներից մէկով և 2որս աւետարանիչները նոր հրատարակութեամբ լոյս է ընծայել Եսկիմոսների համար:

ՍԵՐԲԻԱԿԱՆ ԵԿԵՂԵՑԻ:

Հունգարիայում բնակուող Սերբ ազգութիւնը ի վաղուց հետէ եկեղեցական—գպրոցական մի ինքնավարութիւն ունի և այդ խնդիրներին վերաբերեալ գործերը կառավարելու համար պարբերաբար գումարուում է եկեղեցական համաժողով: Այս տարուայ ընտրութեանց միջոցին այդ համաժողովի անդամներ ընտրուեցան մեծ մասամբ սերբիական ազգային կուսակցութեան ներկայացուցիչներ: Այս հանգամանքը Հունգարական կառավարութեան ցանկալի չէր, ուստի և համաժողովի հէնց առաջին նիստերին կառավարութեան ներկայացուցիչն առաջարկեց անմիջապէս ձեռնամուխ լինել նոր կազմած կանոնադրութեան ըննութեանը, որ Հունգարական հոգւով էր մշակուած: Համաժողովը մերժեց այդ առաջարկը և նախարարապետ Բանֆին հարկադրուեցաւ ղեկուցանել կայսեր այդ միջադէպի մասին խնդրելով փակել նիստերը և ցրուել համաժողովը: Գրանց—Յոմսէփ կայսրը այլ կերպ նայեց գործին, ուստի և հրամայեց յետաձգել համաժողովի նիստերը և հրաւիրեց կառավարութեան ներկայացուցչին իւր մօտ բացարութիւն տալու: Արժուում է, որ այդ պաշտօնեան հաղիւ կարողանայ արդարանալ, քանի որ ըստ օրինի նա իրաւունք չունի

ոչ մի ճնշումն գործ դնել համաժողովի վերայ, այլ միայն ներկայ է լինում նիստերին և պարտաւոր է հետևել, որ ժողովը օրէնքից չշեղուի:

— Տիեզերական պատրիարքարքիւն. Կ. Պօլսոյ Յունաց պատրիարքը արտօրել է տուել Ուսկիւրի մետրոպոլիտի նախկին փոխանորդ Նիկիֆոր եպիսկոպոսին, որ ազգով Սերբ է, Պատմոս կղզին, Սերբիացիք շատ դժգոհ են մնացել ս. Պատրիարքի այս վարմունքից. պարզ է, որ Կ. Պօլսոյ Յունաց պատրիարքարանը ամենեկին մտադրութիւն չունի բաւականութիւն տալ սերբիացւոց պահանջներին, եթէ թոյլ է տալիս այդպէս վարուել մի եպիսկոպոսի հետ, որին ամբողջ սերբիական ազգաբնակչութիւնը իւր մեծարանքը ցոյց տալու համար անցեալները ընտրել էր ամբողջ թեմի մետրոպոլիտ, Յունաց պատրիարքարանը չբաւականացաւ թոյլ չտալով այդ ազգասէր եկեղեցականին իւր հօտի ընտրութեամբ նորա հոգևոր առաջնորդութիւնը ստանձնելու, այլ և հարկ համարեց արտօրելու նորան, որպէս զի կարող լինի, Սերբերի արդար պահանջները անտես առնելով, Յունաց շահերը առաջ տանել:


ԲՈՂՈՔԱԿԱՆ ԵԿԵՂԵՑԻ.

« Բրիտանեական Արևելք » (der Christliche Orient) ամսագրի և նորա խմբագիր Յովհաննէս Լէպսիուսի մասին Արարատի անցեալ համարում արդէն բաւական տեղեկութիւն տուինք: Այժմ պէտք է յաւելացնենք, որ այդ ամսագիրը երբեմն և պատկերներ է տպում այսպէս օրինակ փետրուարի համարում կար Ազգիս Ահհափառ Հայրապետի յաջող կենդանագիրը, իսկ մեր ստացած մայիս—յունիսի համարում մի լուսանկար «Հայ որբերը Սալմաստում» և «Ամերիկացւոց միսիսի տունը Աւրֆայում», ուր ցարգ որբեր էին ընդունւում:—

ԲԱԺԻՆ ՀԵԹԱՆՈՍԱՏ.

Прав. Вѣст.-ից տեղեկանում ենք, որ Բարձրագոյն հրամանով Չինաստան գնացած Ռուսաց արտակարգ զեսպանութիւնը իշխան Ախտոմսկու առաջնորդութեամբ մեծ պատուով է ընդունուել Բողդիսանից. իշխանին յանձնարարուած էր թանկագին ընծաներ տանել Բողդիսանին Թագաւոր—Վայսեր կողմից և մի նամակ Վայր Թագուհուց առ Չինաց Վայր Թագուհին Ս. Եկատերինէի շքանշանի հետ ի միասին, Հանդիսաւոր ընդունելութեանը բացի արտակարգ զեսպանութեան անդամներից ներկայ են եղել նաև Ռուսաց զեսպանը Չինաստանում իւր բոլոր գործակիցներով, Էնքը Բողդիսանը արևելեան մեծ պետութեան ինքնակալին վայել փառահեղութեամբ շրջապատուած շատ սիրալիր պատասխան է տուել իշխան Ախտոմսկու ողջոյնի խօսքերին. յետոյ իւր առանձին ուղարկութիւնը առ Թագաւոր

Վայսրը ցոյց տալու համար հրամայել է իշխան Գունուին առնել զահի մօտ դրած սեղանի վերայից Ս. Նախակոչ Անդրէի շքանշանը և մօտենալով իշխան Ախտոմսկուն արտայայտել իւր կողմից այն խորին երախտագիտական զգացմունքները, որ նա տածում է առ նորին Մծութիւնը այն բարեհաճութեան համար, որով իւրեան անցեալ տարի շնորհուել է այս ամենաթանկագին պարգևը, որ նա շատ բարձր է գնահատում: Երկրորդ ունկնդրութեանը իշխան Ախտոմսկին ներկայացրել է Վայր Թագուհու շքանշանը և շքանշանը, որ Բողդիսանը ընդունել է իշխան Գունուի ձեռքից, Անկնդրութեան ժամանակ Բողդիսանը կանգնած էր ի նշան առանձին յարգանաց առ Թագաւոր Վայսրը և Վայր Թագուհին: Այս տեսակ պատուի գեռ չէր արժանացել ոչ մի օտար պետութեան զեսպանութիւն: Առհասարակ թէ Բողդիսանի կրկնակի ընդունելութիւնը և թէ յիշեալ արտակարգ զեսպանութեանը ամեն կողմից ցոյց տուած սիրալիր յարգանքները ապացոյց էին, որ Չինաց կառավարութիւնը ցանկանում էր ըստ արժանւոյն պատուել Թագաւոր Վայսեր զեսպանին, որ այցելել էր իւր երկիրը արտակարգ յանձնարարութեամբ, Պաշտօնական թերթը՝ հաղորդելով այս մասին, աւելացնում է, որ այդ ամենը աւելի սերտ և մտերիմ յարաբերութեանց հաստատուելուն նըպաստաւոր կըլինի ապագայում այդ երկու պետութեանց մէջ:



ԳՐԱԿԱՆԱԿԱՆ—ՊԵՏՄԵՂԱԿԱՆ.

ԳՐԱԽՍՍՈՒԹԻՒՆ.

ՀԱՅԵՐԵՆԻ ԲԵՐԱԿԱՆՈՒԹԻՒՆԸ

ՀԱՅՆԵՐԻԹ ՀԻԻԲՄԱՆԻ.*

«Այն բաղմամբ ազգերից, որոնք հնումն Առաջաւոր Ասիոյ հիւսիսային արևմտեան մասումն էին բնակուում, համարեա միայն հայերն են, որոնք իրենց ազգութիւնը և իրենց լեզուն մինչև այսօրուան օրս պահպանել են, ոչ զիրութեամբ և անհոգ խաղաղ ապրելով, այլ յարատե ներքին և արտաքին կռիւներ մղելով և շնայելով՝ այն բաղմամբ հալածանքներին, որոնք յաճախ աւելի արևմտահեղ և սոսկալի էին, քան այն հալածանքները, որոնց

* Armenische grammatik von H. Hübschmann. Leipzig 1897.